

稱揚諸佛功德經

下

百七十二  
改三

48495



元祿九年丙子二月日重脩

皇國聖國 帝階銀呂

佛日增輝 機輪常轉

山城州天安寺法金剛院置

稱揚諸佛功德經卷下 三

元魏西域三藏吉迦夜共曇曜譯

改

復次舍利弗西方去此度十萬億佛刹有世  
界名曰安樂其國有佛号阿彌陀如來至真  
等正覺明行成爲善逝世間解無上士道法  
御天人師号曰衆祐度人無量若有得聞無  
量壽如來名者一心信樂持誦念當起廣  
遠無量歡喜安立其意令使真諦十萬億信  
心念斯如來其人當得無量之福永當遠離  
三塗之厄命終之後皆當往生彼佛刹土命  
欲終時一心信樂念不忘捨阿彌陀佛將諸  
比丘僧住其人前魔終不能壞毀斯等正覺

之心所以者何其佛世尊興立大悲誓度一切無量衆生亦復護持十方世界一切衆生其有得生安樂世界當於其中具滿如來正覺之慧舍利弗其佛世尊本求誓願其有求於第二之乘於其世界具滿如來諸佛之法具正覺分求聲聞乘於彼佛刹得阿羅漢其有往生彼佛刹者從其所願大小之乘於彼畢滿其有最後聞阿彌陀如來名号讚說之者信不狐疑當起敬心至意念之如念父母作如是意思等普當於彼佛國具滿衆願其有不信讚歎稱揚阿彌陀佛名号功德而謗毀者五劫之中當墮地獄具受衆苦

復次舍利弗西方去此十萬佛刹有世界名  
破一切魔其國有佛号曰殊勝如來至真等  
正覺明行成爲善逝世間解無上士道法御  
天人師号曰衆祐度人無量其有得聞殊勝  
如來名者歡喜信樂持諷誦念此等皆能降  
伏衆魔裂壞羅網却六十劫生死之罪

復次舍利弗西方去此十萬佛刹有世界名  
曰伏一切魔其國有佛号曰集音如來至真  
等正覺明行成爲善逝世間解無上士道法  
御天人師号曰衆祐度人無量其有得聞集  
音如來名号者歡喜信樂持諷誦念其人當  
得一切如來諸佛音聲於大衆中廣說法處

於中特尊退却衆魔降之以德却八十劫生死之罪

於是阿逸菩薩長跪叉手前白佛言寧有一事菩薩摩訶薩於此事中具大乘願住不退轉疾成無上正真道不佛言有阿逸北方有世界名曰豐嚴其國有佛号德內豐嚴王如來至真等正覺明行成爲善逝世間解無上士道法御天人師号曰衆祐度人無量其有得聞斯佛名者歡喜信樂持諷誦念而爲作禮其人皆當得不退轉疾成無上正真之道却一劫生死之罪其有供養五千佛者此輩阿逸尔乃得聞德內豐嚴王如來名号其聞

名者從是已後所生之處常得天眼未曾不  
得天眼之時常能徹聽未曾不得天耳之時  
常能飛行無有不得神足之時乃至泥曰常  
得端正未曾受於醜惡之形乃至泥曰常得  
尊貴未曾生於下劣之家乃至泥曰悉能壞  
除衆欲之縛其人六情眼耳鼻舌及於身意  
終無有病乃至泥曰初未曾生無佛之處聽  
大尊法未曾有礙不得聽時未曾有礙不見  
僧時亦復不生八難之處戒常具足無有缺  
時識心清淨無有忿亂時當知阿逸其有得  
聞此佛名者淨心信樂於最正覺如渴欲飲  
發信敬心向如來者此等阿逸悉能提持諸

佛世界最特之刹其人皆當獲於殊妙奇特  
功德是故阿逸並當專精持此佛名若族姓  
子族姓女欲得殊特妙淨刹者當急聽此諸  
尊佛名稱其名号當為作禮自作是言我今  
禮於德內豐嚴玉如來至真等正覺明行成  
為善逝世間解無上士道法御天人師号曰  
衆祐度人無量阿逸白佛言唯天中天其佛  
刹土為在何所去此遠近成佛以來為幾時  
也佛告阿逸設使縱廣百由延中一大堆沙  
取一沙著一佛刹如是悉著諸佛刹中悉令  
沙盡如是沙數諸佛刹土悉滿中沙復取諸  
佛刹土中沙復以一沙著一佛刹如是諸國



刹中沙悉使令盡取此沙數諸佛刹土悉破  
爲塵復取一塵著一佛刹悉令塵盡是諸佛  
國塵數刹土猶尚未至餘未到者過此百倍  
其佛刹土去此極遠不可稱量其佛世尊在  
彼豐嚴刹土之中而今現在與無央數諸開  
士等不可稱計諸比丘衆前後圍遶而爲說  
法我於此坐遙用肉眼見其如來於大衆中  
廣說經法彼佛世尊於彼刹土在高座上亦  
用肉眼觀此世界亦復見我在於座上於大  
衆中而說經法阿逸當知若有衆生信諸如  
來肉眼所見而歡喜者此必成就正覺之道  
斯等皆諸佛如來之所護持今使信樂而不

狐疑斯等皆當捉持如來微妙之慧得不退  
轉於最正覺是故阿逸其欲求此大福者若  
使三千大千世界滿其中火故當入中聽斯  
佛名智慧之法

阿逸菩薩復白佛言寧有一法得不退轉疾  
成無上正真道不佛言有阿逸北方去此不

日 卷一 光

可計數諸佛刹土有世界名曰金剛堅固其  
國有佛号金剛堅強消伏壞散如來至真等  
正覺明行成爲善逝世間解無上士道法御  
天人師号曰衆祐度人無量其有得聞金剛  
堅強消伏壞散如來名者歡喜信樂持諷誦  
念盡心供養斯等皆當住不退轉疾成無上

正真之道却於十萬億那術劫生死之罪超  
然在後其佛如來功德無量弘誓乃余我自  
過去無數劫前錠光如來興出於世於彼佛  
所而得聞此金剛堅強消伏壞散如來名号  
得超十萬億那術劫生死之罪阿逸當知若  
我不從錠光聞斯佛名者我今故未得成正  
覺其佛何故名曰金剛堅強消伏壞散譬如  
金剛所在墮處若山若岸瓦石土壘牆壁樹  
木若遙擬向所墮之處莫不消滅破碎壞散  
如是阿逸其有得聞此佛名者持諷誦念一  
切諸欲皆疾消散一切聲聞辟支佛心褊陋  
之意皆悉消滅疾得成就正覺之道是故号

曰金剛堅強消伏壞散如來其佛世尊一切  
衆願具滿如是

復次阿逸北方去此度十萬億諸佛刹土有  
世界名摩尼光其國有佛号曰寶火如來至  
真等正覺明行成爲善逝世間解無上士道  
法御天人師号曰衆祐度人無量其有得聞  
寶火如來名号者歡喜信樂持諷誦念其有  
未入泥洹界者斯等一切皆當得立不退轉  
地疾成無上正真之道其佛刹土一切人民  
供養寶火如來之者悉一大乘而得度脫無  
有聲聞緣覺之名

佛告長老六迦葉當知諸佛如來之德不可

思議北方去此五十万佛刹有世界名阿竭  
流香其國有佛号寶月光明如來至真等正  
覺明行成爲善逝世間解無上士道法御天  
人師号曰衆祐度人無量迦葉若族姓子族  
姓女其有得聞寶月光明如來名者歡喜信  
樂持諷誦念此等後世所生之處得不中止  
三昧正定若三昧時自見諸佛轉尊法輪悉  
能揔持諸佛之法在所生處常爲衆生闡揚  
大法辯才清妙於衆特尊諸所欲求從願悉  
得所以者何其佛世尊本求道時興此誓願  
吾成正覺聞我名者令使得此三昧定意從  
初發意至于成道於其中間常得此定未

曾中失於是世尊而歎頌曰

度五十萬諸佛刹

有世界名阿竭流

其國有佛号寶月

光明晃煜甚巍巍

其有得聞此尊名

便為已得所依仰

後生之處則得禪

精進智慧無中止

名聲普達光圍遶

其人見佛在刹土

為諸眾生廣興演

諸佛導師所說法

一切諸事無堅固

觀諸法中無所起

普當慈哀於一切

於諸禪中得自在

已能發行如是意

都了三塗無恚忿

審諦解了無吾我

有無所者非無有

諦了諸事無所得

於此中間所興法

如是法者無所住  
此二俱空亦無性  
無表識者是空義  
表識可了不可了  
諦觀此二俱清淨  
所說法者無所倚

譬如月行於虛空  
如此妙法興是間  
菩薩法中無所依  
解了此法為人說  
審諦分別如是者  
慧者得聞無依句

求了表識無表識  
興顯如是無我法  
當審諦說此妙法  
此二俱轉於癡慧  
亦不復見諸法垢  
都了無依波羅蜜  
其所說法無所倚  
於三界中無所著  
解如是者一切智  
若能解達無倚法  
其人則為近大智  
終無復有狐疑計

其人解了如是者

於世獨達無所諮

暢達如是大智慧

号曰特尊無上士

復次迦葉北方去此六万佛刹有世界名長  
歡樂其國有佛号曰賢最如來至真等正覺  
明行成爲善逝世間解無上士道法御天人  
師号曰衆祐度人無量其有得聞賢最如來  
名号之者歡喜信樂持諷誦念所生之處當  
爲一切之所敬愛哀之見信用其所言教莫  
不稟承其人皆當獲斯功德得無礙辯所說  
經法衆生聞者歡喜信解莫不履行於是世  
尊而歎頌曰

度於六萬諸佛刹

有界名曰長歡樂



慈哀度法賢最尊  
最尊無比無與等

其間名者作法師

此一切智大法王

若有女人聞其名

穢惡甚深無崖際

其無所有所可入

了此二事俱無性

其有盡者已為滅

復次迦葉北方去此八千佛刹有世界名曰

現入其國有佛号寶蓮華步如來至真等正

覺明行成爲善逝世間解無上士道法御天

其大導師在在世界

世世濟度諸衆生

言奉信用莫不歡

無量黎庶斯依仰

疾得捨離女人形

非離世者不能入

是爲審諦諦不諦

其已寂滅無有性

甫當興者亦無性

甫當興者亦無性

甫當興者亦無性

甫當興者亦無性

人師号曰衆祐度人無量若族姓子族姓女  
其有得聞寶蓮華步如來名者歡喜信樂持  
諷誦念後生之處顏貌端正殊妙無比衆共  
敬愛自識宿命無數劫中事皆悉了知生所  
從來所作善惡悉皆識知其所生處所說言  
教一切信奉莫不承用迦葉若族姓子族姓  
女得聞斯等諸如來尊正覺名号功德之行  
若有愛樂女人身者如是女人在於女中未  
得解脫若馱女人身不貪樂者持諷誦念諸  
佛名者盡可得斯等衆德迦葉白佛當復云  
何得此功德佛言絕諸色名盡諸欲垢斯等  
疾逮無量功德當疾遠離女人之身當得具

受男子之形求為女者所生之處續受女人  
之身都悉汙穢一切卅界是故當棄女人之  
身當得無比諸善知識功德日生亦自受福  
復利他人多所饒益一切男女於衆苦中疾  
得拔濟譬若毒樹所在之處蔓延生長多所  
傷害若能截斷諸毒樹者令使一切普得快  
樂女人之身譬若毒樹增長諸欲毒害精神  
廣諸惡行受無量苦皆由女人若能斷棄女  
人身者則為斷絕衆生無量諸苦壞衆惡行  
閉絕三塗開涸門普使一切而得快樂斯  
等疾入諸佛徑路迦葉白佛云何得除女人  
之身佛言當自觀身觀他人身解此二事俱

不可得不可得中無有徑路若於男子及女  
人中觀其處所男女相貌亦不可得若了二  
事亦不可得無處所者當於其中願得清淨  
若已清淨則無取捨已無取捨便無識心諦  
推覓之亦不可得無有處所意自思惟無處  
所中爲求男子成女人乎諦求索之意不可  
得若解意性了無男女不可見者尔乃得近  
如來之道其欲發心疾欲除去女人之身諦  
觀男子女人之身了無異同增減之二當受  
女人作女人形如其所說以理推之六情分  
中亦不可得有男有女其如是者則爲求索  
如來之道其欲求解如此事者復有諦了知

此法者是二輩人過去佛時曾得聞此諸佛  
名号當知其人過去世時於諸佛所造大功  
德今乃聞此諸佛名号世所依仰爲自在者  
其奉持此諸尊号者獲無量福其有聞者若  
有學者我普見之有欲急求得此經者斯等  
已爲見我無異若有輕慢其人說言此非佛  
語作是言者此等便爲謗佛毀經謗斯經已  
爲造大惡緣此惡行當入地獄受衆苦報無  
央數劫地獄罪畢所生之處常當聾瘡不能  
言語諸情閉塞常不完具常當愚癡而有顛  
狂其有媯固諸菩薩者薄德醜陋言無威勢  
常生下賤常生惡道所生之處常不聞法如

來正覺所說經法終不能解說深妙義愚癡  
之人與經共諍廣受罪報增益其意毀斯經  
法此衆生輩生常愚癡諸佛正覺常爲世間  
而作大明我重懇懃誠屬汝等諸比丘及比  
丘尼清信士清信女其有謗毀罵經法者實  
受重罪諸佛世尊現在十方無量世界爲作  
法師所說經法實難得聞如來慈愍重誠汝  
等若有信樂諸佛名号功德法者於諸善法  
自然合偶其有學持諷誦念者其人疾得見  
諸如來智慧轉增得無礙慧其有勸人讀  
諸佛名所生之處遊四方域獨言隻步而無  
所畏其有好樂盡心敬奉此諸佛名當知其

人去正覺道終不復遠其有好喜諸佛功德  
加益勸人學斯佛名其人所在於諸如來所  
遊行處於諸欲中無所畏難當知迦葉若有  
比丘具四事法乃能信此諸佛尊名何等爲  
四過去世時於諸佛所得聞深法喜樂靜冥  
清淨之處世世值遇諸善知識不於法中作  
危難行當知迦葉是爲四事若有比丘以能  
見此於諸如來正覺法中而無疑難其人得  
聞如來功德尔乃一心能信樂之於是世尊  
而歎頌曰

過去供養諸佛尊

緣此功德其聞名

最後惡世其聞者

普用是号增衆德

其有過去見諸佛  
往世淨德不諍法  
若使得聞深妙法  
斯輩終不起狐疑  
安住所說諸法義  
堅固其意聽我說  
終不復更與法諍  
有念無念不相豫  
不可思議極廣大  
其求此法深慧者  
無疑勤求諸深法  
當知此人無所求

得聞如來深妙義  
斯輩乃能信奉行  
說諸若干微妙義  
佛之深法無能毀  
以思集意信普智  
念莫忘失此尊法  
聞諸佛名能奉行  
於其法中無差別  
終無猶豫於大智  
解達深義無諮啓  
此等不喜下劣業  
極大勇猛於法中



佛所說法莫不信  
合偶衆善受福報  
顯諸如來大智德  
其有諷持諸佛名  
於大衆中歎其名  
疾能解了大智法

其有衆生於先世  
無所違諍乃得聞  
皆爲讚歎十方佛  
諸佛遙讚其人德  
常當得聞諸佛聲  
極大清淨無生業

放大光明超日月  
後會當成最正覺  
復次迦葉上方有界名曰寶月其國有佛号  
金寶光明如來至真等正覺明行成爲善逝  
世間解無上士道法御天人師号曰衆祐度  
人無量今現在說法

廣爲衆生演妙法  
普悉照曜諸佛刹

復次迦葉上方有世界名象步樓其國有佛  
号無量尊豐如來至真等正覺明行成爲善  
逝世間解無上士道法御天人師号曰衆祐  
度人無量今現在說法

復次迦葉上方有利名天王女其國有佛号  
無量尊離垢王如來至真等正覺明行成爲  
善逝世間解無上士道法御天人師号曰衆  
祐度人無量今現在說法

復次迦葉上方有利名須弥幡其國有佛号  
曰德手如來至真等正覺明行成爲善逝世  
間解無上士道法御天人師号曰衆祐度人  
無量今現在說法

復次迦葉上方有利名遵聚甚意其國有佛  
号無數精進興豐如來至真等正覺明行成  
爲善逝世間解無上士道法御天人師号曰  
衆祐度人無量今現在說法

復次迦葉上方有利名曰無受其國有佛号  
無言勝如來至真等正覺明行成爲善逝世  
間解無上士道法御天人師号曰衆祐度人  
無量今現在說法

復次迦葉上方有利名淨觀莊嚴其國有佛  
号無愚豐如來至真等正覺明行成爲善逝  
世間解無上士道法御天人師号曰衆祐度  
人無量今現在說法

復次迦葉上方有利名曰日光其國有佛号  
月英豐如來至真等正覺明行成爲善逝世  
間解無上士道法御天人師号曰衆祐度人  
無量今現在說法

復次迦葉上方有利名曰說法其國有佛号  
無量光豐如來至真等正覺明行成爲善逝  
世間解無上士道法御天人師号曰衆祐度  
人無量今現在說法

復次迦葉上方有利名寶豐首盡其國有佛  
号逆空光明如來至真等正覺明行成爲善  
逝世間解無上士道法御天人師号曰衆祐  
度人無量今現在說法

復次迦葉上方有利名曰好集其國有佛号  
最清淨無量幡如來至真等正覺明行成爲  
善逝世間解無上士道法御天人師号曰衆  
祐度人無量今現在說法

復次迦葉上方有利名曰殊勝其國有佛号  
好諦住惟王如來至真等正覺明行成爲善  
逝世間解無上士道法御天人師号曰衆祐  
度人無量今現在說法

復次迦葉上方有利名生精進其國有佛号  
成就一切諸刹豐如來至真等正覺明行成  
爲善逝世間解無上士道法御天人師号曰  
衆祐度人無量今現在說法

復次迦葉上方有利名曰願力其國有佛号  
淨慧德豐如來至真等正覺明行成爲善逝  
世間解無上士道法御天人師号曰衆祐度  
人無量今現在說法

復次迦葉上方有利名娛樂入其國有佛号  
淨輪幡如來至真等正覺明行成爲善逝世

間解無上士道法御天人師号曰衆祐度人  
無量今現在說法

復次迦葉上方有利名栴檀香其國有佛号  
瑠璃光最豐如來至真等正覺明行成爲善  
逝世間解無上士道法御天人師号曰衆祐  
度人無量今現在說法

復次迦葉上方有利名曰星宿其國有佛号  
寶德步如來至真等正覺明行成爲善逝世  
間解無上士道法御天人師号曰衆祐度人  
無量今現在說法

復次迦葉上方有利名無量德豐其國有佛  
号最清淨德寶住如來至真等正覺明行成  
爲善逝世間解無上士道法御天人師号曰  
衆祐度人無量今現在說法

復次迦葉上方有利名曰聲所不至其國有  
佛号度寶光明塔如來至真等正覺明行成  
爲善逝世間解無上士道法御天人師号曰  
衆祐度人無量今現在說法

復次迦葉上方有利名無際限其國有佛号  
無量慚愧金最豐如來至真等正覺明行成  
為善逝世間解無上士道法御天人師号曰衆  
祐度人無量今現在說法於是世尊而歎頌曰  
德如月滿其如來  
此諸大尊德中王  
持諸佛名成功德  
其難得值此尊經  
若有信行而供養  
解了諸法無有量  
正覺之法甚深微  
當善信奉諸導師

諸天最上為尊雄  
能為衆生除諸殃  
能淨諸利為肅淨  
少有衆生聞其名  
得大智慧勇力強  
當成一切正覺王  
不當於中起狐疑  
歡喜敬禮慎莫疑



復次迦葉上方有利名寶蓮華莊嚴其國有  
佛号蓮華尊豐如來至真等正覺明行成爲  
善逝世間解無上士道法御天人師号曰衆  
祐度人無量其有得聞蓮華尊豐如來名者  
三惡之道爲已閉塞爲已得成如來之華於  
諸正覺一切法中便爲得成無上道華却生  
死罪三十六劫於是世尊而歎頌曰

上方有利寶莊嚴

衆華茂盛普大千

光色晃昱甚可觀

譬如天上難檀栴

蓮華尊佛在其刹

說法無比慧通達

光普照曜大千界

衆相端嚴聖中最

若有女人聞其名

斷絕惡道遭諸聖

却三十六劫生死

必成正覺不退轉

不見身响道清淨

世世智慧功德成

緣念諸佛得善友

怨家消滅除罪苦

當普禮此是諸佛

今悉現在於異刹

其人快當受供養

用禮諸佛大法王

此等不當疑我言

必當成佛得無邊

常當共諸妙法會

後成正覺慧獨達

復次迦葉上方有利名曰寶燈其國有佛号

淨寶興豐如來至真等正覺明行成爲善逝

世間解無上士道法御天人師号曰衆祐度

人無量其有得聞淨寶興豐如來名者歡

喜信樂持諷誦念其人得七覺意寶却三十

劫生死之罪於是世尊而歎頌曰

上方有界号寶明

淨寶最尊在其刹

其有得聞名号者

斯等當得七覺禪

三十大劫生死苦

超越過去無因緣

得無比力住不動

常當遭值諸天尊

復次迦葉上方有利名曰電光其國有佛号

電燈幡王如來至真等正覺明行成爲善逝

世間解無上士道法御天人師号曰衆祐度

人無量其有得聞電燈幡王如來名者歡喜

信樂持諷誦念斯之人等悉當遠離八難之

處終不復生下劣之家於是世尊而歎頌曰

上方有界名電光

大尊号曰電燈王

其有聞此快士名

八難永斷不復生

智慧解了生死根

種種功德隨次成

興隆道化度衆生

智慧獨達無比聖

復次迦葉上方有利名虛空緻其國有佛号  
法空鎔如來至真等正覺明行成爲善逝世  
間解無上士道法御天人師号曰衆祐度人  
無量其有得聞法空鎔如來名者歡喜信樂  
持諷誦念却六十劫生死之罪得不退轉於  
最正覺常得與諸佛共會現世得見其佛世  
尊亦於夢中見此如來當知迦葉其人今世  
五體投地一心恭敬向於如來其人則種無  
量功德諸善根栽悉得具滿常當得值諸善

知識常與諸人共相敬愛如是迦葉是為現  
世獲諸善報其佛如來一切功德普集如是  
於是世尊而歎頌曰

有虛空緻大世界

其佛号曰法空鎧

名稱普達其世尊

光明極大喻虛空

其有得聞此尊名

超六十劫生死罪

必當遭值見諸佛

於如來前講妙法

精進現世見其佛

當五體禮其如來

夢中得見其世尊

其佛導師光圍遶

念其如來致斯德

常當得見諸大哀

生常得值諸法王

其人現世見諸佛

其佛導師德無量

智慧普達為法王

其有勤求衆德者

盡心敬意禮其佛

復次迦葉上方有刹名審諦分其國有佛号  
一切衆德成如來至真等正覺明行成爲善  
逝世間解無上士道法御天人師号曰衆祐  
度人無量何故此界名審諦分當知迦葉其  
彼世界皆爲八分衆華分栴檀樹分金多羅  
樹寶緻分其佛刹土出衆名香徧其世界於  
彼刹土在虛空中成爲香蓋普覆佛刹其佛  
如來趣於法座莊嚴大會其有得聞一切衆  
德成如來名者六情端正常得清淨解了諸  
佛妙法之分却八十劫生死之罪於是世尊  
而歎頌曰

審諦世界有八種  
出妙名香徧其刹  
大智正覺在其刹  
色像端嚴甚姝妙  
其有得聞此尊名  
節解圓滿而方正  
功德極尊無與等  
精進勇猛甚超異  
於正覺道終不轉  
逮得一切諸快樂  
逮得清淨無差特  
思惟智慧諸法義

多羅寶樹香莊嚴  
普覆虛空香雲蓋  
名聲普達号衆德  
法王獨步無畏懼  
端正竒妙功德成  
視之無厭莫不敬  
歡喜踊躍遊諸刹  
却八十劫生死罪  
廣能演說佛尊法  
後生之處常尊貴  
思念如來衆功德  
增進功德成諸智

復次迦葉上方有刹名日月英其國有佛号  
賢幡幢王如來至真等正覺明行成爲善逝  
世間解無上士道法御天人師号曰衆祐度  
人無量其有得聞賢幡幢王如來名者歡喜  
信樂持諷誦念其有當得立不退轉成最正  
覺却五十劫生死之罪於是世尊而歎頌曰

上方界名日月英

其佛号曰賢幢王

法王大仙在其刹

相好盛明如滿月

其有得聞此尊号

遊生死路諸根明

於諸法中常增長

審諦得住如來種

至心念佛而敬禮

却五十劫生死罪

復次迦葉上方有刹名曰寶種其國有佛号



一切寶緻色持如來至真等正覺明行成爲  
善逝世間解無上士道法御天人師号曰衆  
祐度人無量其刹何故名曰寶種當知迦葉  
其佛世界一切衆生悉求無上正真之道其  
國菩薩神足勇猛無數菩薩俱共同時如彈  
指頃以神足力飛到十方供養無量恒沙諸  
佛悉皆周徧悉能成就一切衆生說是諸佛  
功德處時若有聞者則爲到此諸佛國已誰  
能發起大精進行有菩薩摩訶薩其有捉持  
此名号者其名曰師子戲菩薩師子奮迅菩  
薩師子幡菩薩師子作菩薩堅勇精進菩薩  
擊金剛慧菩薩其有得聞一切寶緻色持如

來名号及諸菩薩大士名者皆悉當得如來  
十力十八不共特異之法常能轉於不退法  
輪却六百劫生死之罪於是世尊而歎頌曰  
我今已說諸法王  
無師自覺大導師  
如來名号性清淨

其有最後聞諸名  
不當狐疑於如來  
汝當知是舍利弗  
若有供養於諸佛  
得聞此等諸尊經  
諸佛大智所遊路

今悉現在康常者  
得汨汨樂為最尊  
諸法威儀行清淨  
興大歡喜懷恭敬  
至誠奉信莫言無  
斯等先世已供我  
其人最後恐怖世  
一心信樂無疑生  
無此最上慧通達

於是法中多所成  
若值妙珠無疑寶  
貧者猶豫意未了  
是法出生等正覺  
智德淺者無慧明  
其有富者積衆寶  
歎譽甚多益衆寶  
其有福慧合聚者  
鄭重讚歎欲得聞  
行惡之法求惡者  
福德智慧薄少者  
短促倒覆及愚癡

云何於中疑此經  
愚者不識嫌不好  
既無重價致此寶  
此皆大士之所聞  
斯等何從而能信  
聞如意珠大歡喜  
我當買取自在嚴  
聞諸佛名大歡喜  
得正覺珠自在嚴  
其有諛諂及反戾  
終不堪任聞此法  
慳垢甚多成穢意

貪婬瞋恚惑亂者

此輩不任聞此法

學甚懈慢憍自輕

弊惡親友意未成

直卷自舉外如清

斯衆不任聞此經

無數天人時唱言

巍巍正覺無上尊

使哉妙法甚難聞

當聽無比道之珍

聞諸如來名号中

所得盈利亘數陳

諸天在上虛空中

而散華香鼓樂音

諸天妙香而徧熏

大千世界結香雲

光明普照諸十方

一切刹土六返震

尔時世尊說諸如來名号之時諸在會者悉

於座上遙見此等諸佛世尊各在其國大衆

之中而說經法悉從座起禮諸世尊莫不歡

喜踊躍無量於時會中無數千人已有得道  
未得道者悉發無上正真道意十方世界諸  
菩薩等各如恒沙皆來詣此禮釋迦文於其  
會中一億比丘得阿羅漢比丘比丘尼復有  
十萬人得法眼淨復有十萬人悉得法忍五  
百優婆塞四百優婆夷同時從座起整衣服  
供養如來盡發無上正真道意於是舍利弗  
長跪叉手前白佛言此名何經云何奉持佛  
言此經名曰稱揚諸佛功德法品亦復名曰  
集諸佛華當奉信之

尔時世尊說此經竟舍利弗及諸比丘諸天  
人民龍阿須倫一切大會皆大歡喜前為佛

作禮而去

稱揚諸佛功德經卷下

改

狐疑

而上音胡而多疑也

野狗

堆

丁回反

壘

倫水反也

晃煜

上胡廣反光明也

募筵

上音相

下余扇反

斷自

兒完

戶官反

媯

一音鳥反

甚

息淺

域

于力反也

娛

音愚

洞

舊音一

徒貢

緻

諸經分

直利

空鐙

栽

奮迅

上方問反疾也

反振

也反

巨

不足也

廢

曲惡作也

